

Na osnovu člana 8. i 16. stav 3. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10) i člana 52. stav 1. Zakona o državnoj službi u Federaciji Bosne i Hercegovine („Službene novine FBiH“, broj: 29/03, 39/04, 54/04, 67/05, 8/06 i 4/12), a u vezi sa članom 51. stav 1. tačka b) Zakona o državnoj službi u Federaciji Bosne i Hercegovine koji se primjenjuje u Zeničko-dobojskom kantonu na osnovu Zakona o preuzimanju Zakona o državnoj službi u Federaciji Bosne i Hercegovine („Službene novine Zeničko-dobojskog kantona“, broj: 3/12), Vlada Zeničko-dobojskog kantona, na 124. sjednici, održanoj dana 25.12.2017. godine, d o n o s i

RJEŠENJE

o razrješenju i prestanku radnog odnosa rukovodećeg državnog službenika

I.

Državni službenika Mirsad Kadić, koji obavlja poslove i radne zadatke radnog mjesta rukovodećeg državnog službenika „sekretara Vlade“, razrješava se dužnosti sa danom 25.12.2017. godine, zbog ispunjavanja zakonskih godina života, odnosno navršnja 40 godina penzijskog staža kao uslova za prestanak radnog odnosa u organu državne službe.

II.

Imenovanom, razrješenjem sa radnog mjesta iz tačke I. ovog rješenja, prestaje radni odnos u Stručnoj službi Vlade Zeničko-dobojskog kantona.

III.

Imenovani je dužan da na dan prestanka radnog odnosa razduži stalna sredstva za koja je zadužen.

IV.

Imenovanom će se pravo na otpremninu utvrditi posebnim rješenjem.

V.

Za realizaciju ovog rješenja zadužuje se Stručna služba Vlade Zeničko-dobojskog kantona i Ministarstvo finansija.

VI.

Rješenje stupa na snagu danom donošenja i objavit će se u „Službenim novinama Zeničko-dobojskog kantona“.

Obrazloženje

Državni službenik Mirsad Kadić, koji je Rješenjem Vlade Zeničko-dobojskog kantona, broj: 02-34-10208/15 od 29.04.2015. godine, određen da obavlja poslove i radne zadatke radnog mjesta rukovodećeg državnog službenika „sekretara Vlade Zeničko-dobojskog kantona“, je shodno pribavljenom Mišljenju Agencije za državnu službu Federacije Bosne i Hercegovine, broj: 04-34-3-124-1/17 od 08.08.2017. godine, ispunio uslov za prestanak radnog odnosa zbog navršenih 40 godina penzijskog staža/ispunjavanja zakonskih godina života. Imenovani je podnio zahtjev za donošenje rješenja o prestanku radnog odnosa.

Odredbom člana 51. stav 1. tačka b) Zakona o državnoj službi u Federaciji Bosne i Hercegovine („Službene novine FBiH“, broj: 29/03, 39/04, 54/04, 67/05, 8/06 i 4/12) utvrđeno je da

državnom službeniku prestaje radni odnos u organu državne službe ispunjavanjem zakonskih godina života, odnosno navršenjem 40 godina penzijskog staža, a odredbom člana 52. stav 1. je utvrđeno da državnog službenika razrješava rukovodilac prema prethodno pribavljenom mišljenju Agencije za državnu službu Federacije Bosne i Hercegovine.

Kako su se shodno navedenim odredbama stekli uslovi za razrješenje, odnosno za prestanak radnog odnosa Mirsada Kadića, odlučeno je kao u dispozitivu rješenja.

Pravna pouka: Protiv ovog rješenja može se izjaviti žalba u roku od 15 dana od dana prijema istog. Žalba se podnosi Odboru državne službe za žalbe, Agencije za državnu službu Federacije Bosne i Hercegovine.

Broj: 02- 34-17884/17.

Datum, 25.12.2017. godine

Z e n i c a

PREMIJER

Miralem Galijašević

DOSTAVLJENO:

1x Imenovanom,

1x Stručna služba Vlade,

1x Agencija za državnu službu FBiH,

1x Ministarstvo finansija,

1x a/a.